

愛吾廬稿



醉園詩存卷四

遊六祖寺

宜興蔣學附蒙氏著



閒登白雲亭遙望六祖寺六祖今已遙高蹤令人企翮然鼓遊興
蠟屐涉江至橋經雁齒平徑遶羊腸細石泉傾耳鳴松風滿身被
畦菜紛作花如布黃金地到門鼓鐘寂入寺梵音闕擡頭瞻佛像
剝落金身敝枯衲形偃僕迎人意無偽淪茗獻山果款留抑何摯
縱觀壞壁詩輒復搖頭置亂翻貝葉經不解聲牙義門前雙茶花
白雪影交墜隨手折一枝聊證拈花意還望白雲邊亭空斂煙翠
愛吾廬稿

卷之四 醉園詩存

湘江春日雜詠

臘盡炎交暖意回迎春桃李忽爭開年年此候江南景憶著天寒
未放梅

芳辰纔屆早春時樹樹葩含已弄姿盼煞將開愁未落惜花人比
蜨尤癡

不愁霜雪互相摧已是陽和暗裏回祗恐春長花事短更難留繼
及時開

無聊何必爲傷春天氣而今已困人雨怕驟寒晴驟暖難調多病
異鄉身

剪刀風刮雨絲繁滿樹殘紅墮地輕催得花開又催落春工恩怨
不分明

恩恩花謝易驚心又值連朝薄病侵纔開蕭齋三日卧推窗一片
綠陰深

寒食光陰上巳前園林春色渺如煙櫻桃子熟榴花放風景依稀
四月天

侵曉沈沈旅夢回閒階起立獨徘徊怪他一夜聲咿嘑榕樹陰深
白鳥來

衙前後大榕樹各一株每歲春間有白鳥
形似鷺鷥千百來巢卵成飛去如候燕然

春日卽事六言

愛吾廬稿

卷之四 醉園詩存

嫩綠雨滋庭院亂紅風緊園林烘出幾層晝意拖來一片春陰

其二

嗚鳥有情戀樹落花無語辭枝人行六曲欄畔春去雙江水涯

春日郊遊

駘宕風光二月天芳郊挈伴興翩翩面山城郭環新翠傍水人家
籠宿煙邨犢齊耕耨麥隴野蜂多戀菜花田客愁暫遣還惆悵烽
火鄉關又一年

白雲亭偶興

獨上危亭檻自捫無言覓句共誰論嚴城堞倚栽花縣遠岸橋通

沽酒村暖日朦朧生霧影微風澹蕩骨煙痕記牋拋得渾閒事忘
卻蕭齋未掩門

出郭晚眺

春慵縹帙懶重溫野景閒看出郭門雨息半含山嶂溼水添平漲
板橋痕鹽船泊岸兩三隻土屋連郊四五村忽送鐘聲何處寺江
天催起暝煙昏

雨後

一夜蕉窗浙瀝聲朝來嫩日未烘晴滿城炊舍含煙溼隔岸山泉
挾雨鳴狼籍最愁花易落芊絲差喜草全生衙齋盡日無餘事甌
愛吾廬稿

卷之四 醉園詩存

三

茗鑪香遣病情

遣興

閒階亭午日初移徙倚庭前獨立時當徑竹同佳士列隔牆花當
美人窺病懷總覺春難遣倦體常嫌晝不支一事思量差自喜韶
光正永好吟詩

小園卽景

一片晴煙籠樹低碧桃初綻柳初齊蜨因戀蘂微停舞鶯爲銜花
偶住嘒興遣隨時皆自得吟成卽景每無題嬌憨最愛兒童態戲
隱藤蘿互捉迷

春晴

芳菲滿院鬪晴暉
晝暖思更白
袷衣疊錦裁
花枝競放重
棉褪柳絮全飛
燕營舊壘
銜泥省
蜨飽新糧
傅粉肥如此
韶光歸不得
無端作客悔前非

病中寫悲懷

二月十日 先大父棄養期年病中悲愴百感俱生不禁
呻吟欲絕也

草木春尙榮
人生獨枯槁
鬱此愁與病
心體日煎燎
少壯孱如此
何以繼衰老
我生廿九年
光陰殊草草
學固畜於力
命亦艱於造

愛吾廬稿

卷之四 醉園詩存

四

萬事一無成
齋志向誰道
差幸重闈庇
康強躋壽考
二吳遘亂離
骨肉尙能保
詎知家業衰
父官亦潦倒
祖兮心厭世
騎箕忽然杳
吾父至性鍾
空悲嗜羊棗
旅櫬寄抔土
敢信逢吉兆
憶兒生數齡
祖兮日提抱
諸孫羅成行
偏愛謂兒好
督兒苦讀書
望兒成立早
勉兒志勿頹
戒兒性毋佻
稍長試輪軒
罷歸輒不惱
謂兒自勤學
先業終當紹
誰知迄未就
祖兮竟先泐
轉瞬及暮年
宿草隴頭遠
兒方客羈遠
卧病憂悄悄
一陌紙錢灰
墳塋不同掃
安得魂夢中
重見衰顏皓

家嚴將赴金陵戎幕手書召萼歸省郵筒入手壘塊填膺擬

返棹而未能想行旌之早發望雲目極愛日心勞用託長
篇謹抒短悃

飢驅不自由遠道皇皇馳非止遠道馳更履疆場危豈不憚艱險
堇荼甘如飴家君昔初宦佐郡清江湄綵棒政嚴肅惠愛尤兼施
俸薄約以儉清白家風宜築隄絕水患萬口聯成碑繼奉偶亭檄
作宰當亂離兩月復城隍艱難撫瘡痍鄰氛患鴟張大廈危獨支
此屆及瓜候復值黃巾窺後令趣宵遁受代違前期家君毅然任
桓桓躬誓師渠魁一戰獲擒獲久踞吉安郡城逆首偽
檢點楊儀林解省訊明正法醜類皆殲
夷後令旣旋代鄉兵禍任滋疑賊殺追軍倉猝容有之坐令一而

愛吾廬稿

卷之四 醉園詩存

五

再大錯誰鑄斯一朝被吏議分謗奚容辭功多不蒙賞投閒嗟數
奇往歲筮來復雲霧青天披忽宅大父憂讀禮貧無貲家山旣喪
亂萍梗天之涯僚友在軍中念舊書乍貽深憐范叔寒將拯曼倩
飢勸絕温嶠裾往舉郟生帷感此薦剡情因推負米思仗劔行不
行躑躅含辛悲蒼蒼白下山征愁赴參差茫茫西江水別淚流漣
漪示兒書數行誠兒歸毋遲汝曹各依劉重闈誰護持兒思遠膝
下歸滯徒鬱伊慈顏犯風霜行矣身難追惟有望白雲千里心相

隨

歸省豫章留別黃素莽丈

會慰

聚首琴堂閱半年
臨行相對各淒然
交論父執惟公切
愛被兒曹獨我偏
青眼竟承千里聘
白頭還滯一官遷
豬肝已累糜清俸
更爲殷勤設祖筵

少年走馬度函關
旋息飛鳧皖水間
官好合登循吏傳
心慈常念

庶民瘠家傳清德仍膺社

尊京兆公廉名素著

志在蒼生早出山
正是如雲

殷衆望何期
貝錦諧同班

池陽共卧使君轅
借寇攀劉悵莫援
歷宰一身惟累債
左遷萬口

極稱冤棠非召伯
陰難蔽花借潘安
種易繁

公左遷來江右又四攝縣令矣

此日

湘江親雅化代將治譜紀連番

愛吾廬稿

卷之四 醉園詩存

六

趣歸書乍到江潯
知繫門閭望遠心
久客情原思骨肉
臨歧淚忽滿衣襟
兒須課讀蹤難滯
父欲從戎感倍深
總爲清貧生計拙
一家浪迹歎浮沈

留別同郡金桂孫

廿九年華百病身
與君飄蕩各風塵
萍蓬迹任孤根散
桑梓情從異地親
覲面卻欣如舊識
論心每喜見天真
扁舟共泛秋江上
轉瞬煙花入暮春

回首歡場感不禁
曾從把卷訂知音
論才不覺心胸隘
結契眞同骨肉深
碧草春波江令賦
高山流水伯牙琴
何期偶演陽關劇
折

柳剛教別恨侵前署中演劇余偶點折柳一齣竟為此別先兆

藥店飛龍可奈何別兼新病感尤多歸遲恐累重闌念道遠難禁

弱體磨學業自當交奮勉光陰休任易蹉跎好期把臂青雲路同

日電裳詠大羅

留別同郡黃山甫

話別依依兩淚潛豪情那忍唱刀鋸心如不繫輕舟蕩身似孤飛

倦鳥還後會或同萍再聚臨歧可奈柳重攀河梁此際空攜手明

日相思隔萬山

故里繁華盡劫塵聽君談罷益傷神萬家荼毒疑天酷九死艱難

愛吾廬稿

卷之四 醉園詩存

七

與鬼鄰鳩賊帳中真有膽君陷賊中鳩一會逸出殺人圍裏獨全身蒼白

惜書生命異日終扶大雅輪

酬贈言辭勉効忠浮情敢附眾聲同少年狂莫形吾輩積學勤宜

嗣乃公尊甫武香先生為郡中名宿度養寬和交勿濫境當貧賤道非窮持身

我動多尤悔相愛還期錯代攻

舟至贛州大水

一棹泛雙江歸歎道阻長兩方稽畢宿風未送滕王客子蕭騷極

陽侯跋扈剛鯨吐波漲白龍戰血流黃萬室蛙鳴竈千家燕處堂

蛟宮翻窟宅鯉國徙封疆大樹槎枒拔輕舟舴艋揚赤鱗騫雉堞

翠羽沒魚梁十八危灘溜三千伏弩張觴難浮曲水纓漫濯滄浪
問堠知延鷺臨流歎望羊船如天上坐直欲到銀潢

十八灘

朝辭雙江城暮宿萬安縣中有十八灘一灘一天塹如排八陣圖
隱蓄大江面如張水犀弩直射濤頭練怪伏牛渚磯鬼竄森羅殿
形狀紛不同恂怛心目眩昔上如登天今下掣飛電擘舟石窟中
奔湍駛一綫篙工聚擊刺長年屢呵譴似譁鷺鷥軍恍習昆明戰
幸免墜於淵鬼憎性命賤一笑凌蒼茫吟懷卓然健

消夏四首

愛吾廬稿

卷之四

醉園詩存

八

何處堪消夏山居更水莊嶺陰含雪冷地敞受風涼聽瀑煩淅淅
觀濠樂意長松濤與荷氣靜裏自聞香

何事堪消夏敲殘一局棋黃庭閒仿帖白社醉題詩茗戰風生腋
瓜婪雪沁脾芭蕉涼蔭滿小夢綠天宜

何物堪消夏調冰爲解煩碧筒豪象飲白羽卻蚊喧藕雪銀塘脆
李沈金井繁招涼珠在握不信有炎暄

何服堪消夏章身與俗違薜蘿山鬼飾荷芰水仙衣體適神彌爽
心清汗不揮羅浮雙蛺蝶久蛻葛裳飛

漁家詞

艇作浮家水作莊子孫世幸在鳴榔捕魚莫笑風波惡平地風波處處狂

綠蓑青笠自傳家衣食生涯足水涯暖網春波寒釣雪凶年魚夢也應奢

拋罾撒網當鋤犁眠食清江與碧谿何處有魚何處捕不會疆界劃東西

世際雍熙不避秦漁郎底事問迷津浮家不省何年代也是桃源太古人

生就鴛鴦水上宜鸚鵡漁婦比漁兒谿花插髮潭爲鏡不解閒愁

愛吾廬稿

卷之四 醉園詩存

九

上翠眉

一家風月總無邊閒是閒非不上船我亦思超塵網去江湖攜具

狎鷗眠

雨後散步東湖上次高子和通守

應垣韻

雨餘玉虎罷晨鳴水氣涼收暑滿城洲繞百花隄萬柳高低一片綠雲平

復次同遊汪小松韻

珠跳荷葉雨收聲柳嶼殘虹一角明笑指琉璃滿空碧涼波真似

簞紋平

小松乞余疊韻復成一絕

水榭誰家弄笛聲樓臺如畫不分明臨流卻與看山異最喜煙波
裊帖平

送袁雲石歸寶山

袁子氣槩卓犖兼英多奮迹合上金鑾坡不然投筆輕身事戎韞
亦當萬里飛食肉奈何落魄西江年復年命中磨蝎相糾纏文簫
未遇綵鸞降王勃虛邀閻督憐南遊嶺嶠犯炎瘴幾埋病骨窮荒
邊賣文費少買藥重歸來不得名一錢白衣蒼狗倏變遷紛紛世
態如雲煙小人有母居吳天烽火遠隔途幾千望雲欲返心忼然

愛吾廬稿

卷之四 醉園詩存

十

縮地無術終俄延迂道卻返山陰船山陰路接東甌東吳趨越絕
煙海通想君汗漫舉孤篷鞭龍駕鼉驚虬龍扶桑日出光熊熊蓬
萊雲氣相追從船頭破浪乘長風舵尾琴筑喧瑋琤我爲君計途
非窮莫愁巨艦毛輕鴻四花雨亭詩卷重萬首足壓歸裝空珊瑚
木難光怪同錦囊寶氣難自封只恐上衝斗牛闕下燭蛟螭宮直
走海若驚海童掀舞騰蹕波濤中爲君洗盪雲海胸爾時回望九
州幾點煙濛濛一笑睥睨紅塵紅釣鼇去矣隨任公

醉園詩存卷五

宜興蔣芎跗棠氏著

留別羣季之金陵戎幕

南北東西浪迹頻從軍計決漫因循也知戎馬非吾事可奈儒冠
誤此身姜被自憐同氣暖阮囊誰諒故家貧元龍豪宕於今盡賸
有江湖感慨新

故園烽火望江南擾擾紅塵味久諳桂子幾番飄月窟

時中秋後二日

花何處有深潭牀頭自起聞雞舞座上誰容捫蝨談拔劍蒼茫獨

回顧可勝耳熱酒懷酣

愛吾廬稿

卷之五

醉園詩存

一

誰將寶劍出塵凡牛斗光芒冷石函世亂強磨身七尺時危密懍
口三緘虧盈月換天邊鏡順逆風兼水上帆一曲驪駒歌未已淚
痕先自滿青衫

雁序天涯共苦辛世途回首各傷神飢腸空羨侏儒飽假面翻疑
傀儡真還把升沈占故我未堪啼笑向他人年來屢滅懷中刺珠
履休誇是上賓

諸侯盟主久推袁下土頻聞吐握煩待繫長纓朝帝闕且投彩

筆謁戎軒陰符愧未師黃石劍術行將問白猿獨念重關借弱息

飢寒拋撇向誰言

風塵休念隻身單，壯志從輕行路難。
浪說封侯憑燕領，還愁作客累豬肝。
聲清饒吹軍中曲，氣奮兵塵壁上觀。
更喜行間親鯉對，戎衣戲綵足承歡。

樵舍爲明藩婁妃自沈處詩以弔之

跋扈強藩一戰俘，蛾眉遺恨此沈珠。
逆濠甘累妻孥殉，不及彭郎對小姑。

慟惜君王念竟差，妾心皎皎玉無瑕。
貞骸逆溯江波上，羞似鴟夷逐浪花。

脫箚力諫已連番，隱諷詩篇苦口煩。
妾死君囚終不悟，噬臍還當

愛吾廬稿

卷之五

醉園詩存

二

婦人言

曾踏埋香塚上行，更堪憑弔碧江清。
我知妃恨賢名顯，重累癡兒被惡名。

望湖亭

望湖亭上望湖來，獨立蒼茫倦眼開。
十二年前倚欄處，夕陽無際雁聲哀。

過彭蠡有感

憶昔乘舟過彭蠡，翩翩三五髻年耳。
夷然狎暉風浪平，喚弟隨流弄流水。
無端一別成滄桑，十二年來復經此。
湖上西風故壘多，喋

血英雄幾人死虎將燿燿飛作灰漁子頭顱貫流矢烽火黃昏照
水青烽煙白晝衝天紫戈船賴有飛將軍淨洗明湖黛光起照見
愁人髮欲蒼重歷舊遊如夢裏卽今東南猶用兵銅馬赤眉紛未
已蓴鱸笠澤風味遙淚灑煙波思故里

栗里懷靖節先生

薄俗少亮節達士多先幾張翰聞秋風因動蓴鱸思陶公苦督郵
遂賦歸來辭是皆有深意曠達非所期如謂折腰吏公真不屑爲
奚公初就徵一官身竟廢况公乞一飯莫報猶將貽是豈無情者
而忽與世違

愛吾廬稿

卷之五

醉園詩存

三

公殆伊傅流本非巢許類初不卑一官將恢廓廟志旣知晉祚衰
莫挽彼蒼意又恐陷羅畢屈身事後代所以託高蹈轉爲自全計
晉祿已不屑宋人豈強致編詩義熙後歲年甲乙記隱然薇蕨思
行義不稱義

言歸栗里宅自比桃源人隱居變名姓五柳稱先生世事本荒幻
喻以山海經無絃琴自怡有酒壺獨傾撫松表勁節采菊餐寒英
鬱此忠貞懷託彼隱逸名所以公卒後千古稱完人史書晉徵士
心迹彰彰明

公今不可作含情訪公里滄桑千百年誰能辨遺址但託公之名

于焉緬芳軌時方近重陽風物惜已改惟見數農人穫稻秋風裏
問訊前致辭掉頭刈不已悠然望南山精英或能起白衣適攜酒
爲公薦芳醴

阻風廬山下病目不得上假寐成夢

匡君邀我山巔遊逆風攔住湖上舟造化小兒橫相妬病我炯炯
之雙眸咫尺環青不得上天地昏昏塔焉喪有時努視一縷明萬
朵芙蓉舞晴嶂逢窗靜臥風蕭蕭五嶽壯遊神不驕聳身忽在九
天外放眼不覺羣峰高回頭下視臨九江謫仙遊處森青蒼插空
峭壁雙劔鏖星辰割劃分陰陽香鑪峰起鹿洞藏瀑布直下龍壘
愛吾廬稿

卷之五

醉園詩存

四

梁五老卻立屏風旁側身拱揖如相望仙之人兮羣徜徉白雲之
衣青霓裳或騎鸞鳳驂龍翔或乘虎豹鳴虬踣或叩璫而搏瑟或
繩柱而調簧噦萬聲之雜奏訝鈞天之齊張招我於仙之房兮飲
我以流霞之觴謂此不可以久留兮熊羆鬻人脂狻狻斷人腸况
子塵鞅自纏縛東西南北奔走身皇皇子無健兒猿臂能挽強又
無將軍面具神可裝徒恃雕鏤造物一枝筆揮霍腕底雲煙忙爲
人吐棄亦已矣請纓何事神飛揚不念汝父羈戎行重闈遠隔心
暗傷妻兒仰屋愁歎長寒無衣兮飢無糧決然捨去胡太剛中慄
又說風波狂形神枯槁不自量輒欲磨盾干戈場而復奚事窺吾

丹霞崑崙之高臺白雲縹緲之仙鄉我聞斯言忧心汗沾背一蹶
萬丈青茫茫驚魂靜攝卻坐起依然兩眸霧翳如昏黃嗚呼世間
萬事盡如此吾生幻境何時已廬山之遊非夢裏

舟中回望廬山

朝傍廬山行暮傍廬山宿廬山四百峰峰峰翠相續昨夢遊廬山
醒來宛在目前已別廬山回頭尙相逐廬山跨彭湖東西紐地軸
起伏數百里勢似武夷曲輕舟掛帆看盡日恆不足況我觸惡風
舟常止如屋無聊日悶對澄湖映寒玉既久卻生戀翻恐去茲速
胡然風帆開忽覺地如縮匡君亦不歡含恨眉峰綠匡君且勿恨
愛吾廬稿

卷之五

醉園詩存

五

珍重閨幽獨回時當訪君策杖萬山麓

石鐘山

先是湖口爲粵逆所踞石鐘勝蹟盡毀彭雪琴侍郎復城
後捐金修建亭臺花木頓還舊觀上有昭忠祠專祀水師
陣亡將士侍郎作記勒石歷敘戰功又有慈蔭閣坡仙臺
梅塢且閒亭諸勝

石鐘今尙在玉局昔曾遊地攬全湖勝天包絕坎幽大聲千尺水
小影一扁舟記重先生作名因曠代留登臨知幾輩悵望忽千秋
昨值滄桑劫都成禾黍邱江山明改邑城郭暗生愁結陣紛鷺鷥

連營縱馬牛鯨波涉上將虎穴負羣會百戰崇墉復千金廢址修
亭臺重入畫欄楯半垂流鑿壁雲根峭磨崖露布道林泉光罨靄
花木景夷猶碧血昭忠觀青燈供佛樓迴廊通桂院複榭俯梅洲
磴道層層歷圃巒處處搜御風思列子駭浪對陽侯弔古尋遺躅
憑高豁遠眸匡廬呈面目彭蠡控咽喉吳楚微茫隔乾坤浩蕩收
聳身凌鳥隼側足瞰蛟虯感慨何能已徘徊不自由羊腸疲曲曲
鴻爪任悠悠磊塊消難盡狂歌最上頭

馬當阻風

才人送馬當一夕到滕王高閣至今圯好風緣底忙連朝滯東下
愛吾廬稿

卷之五 醉園詩存

六

何日應南強借力倒吹送不才帆暫揚

小孤山

小孤非小姑獨立非望夫彭郎空復化爲石山靈自愛年年孤峰
圓石削水迴抱高挺瘦骨皴寒膚若敎海上夜深見便疑萬丈青
珊瑚長江冷瀉玉盤色又如月墜銀蟾蹲此碧眼相睚眦不然
造物鼓大冶鴻荒旣闢拋洪鑪墮地化此奇形模罡風萬劫吹不
動力士五丁空嘯呼飛來祇合靈鷲俱欲移長笑愚公愚憶昨滄
江被兵疹煙巒想像常模糊於今依然色不改蒼蒼睨視楚與吳
會當舍舟凌絕頂星辰引手攀天樞

九日舟次皖城

皖公山翠皖江清亂後重來感慨生
歲久烽煙餘故壘秋高旌旆擁巖城
十年形勢今全改萬種悲涼此獨征
一繫孤舟正重九不登高也淚縱橫

孤忠曾弔大觀亭

歲在壬子九秋隨先大父過皖登大觀亭會命作七言長律弔余忠宣

清水塘前

劫又經天柱南來雲似墨江流東去血猶腥
荆榛自臥銅駝碧苔蘚空埋石碣青
悵望西風獨愁絕數聲哀雁落蒼冥

酬贈朱子欽職方

九成

卽以誌別時子欽客座主會節相幕

嶽嶽朱雲氣宇道功名休感雪盈頭
官辭漢陛星辰列客到梁園

愛吾廬稿

卷之五

醉園詩存

七

雨雪遊萬里談兵同杜牧
一生善病似留侯征途相聚還相別
溝水東西各自流

江行

自在輕舟穩中流澹夕暉江吞孤嶼咽山攪亂雲飛
紅蓼依漁艇青楓隱戍旂水程今日好持取蟹螯肥

蠟磯靈澤夫人祠

靈磯莽莽截寒流料得夫人恨未休
秦晉盟違艱蜀道孫劉計短奪荊州
江通白帝魂應溯廟似黃陵蹟尙留
步障明珠影蕭瑟洞房風景忍回頭

過采石

布帆風滿翦江行
江上青山舊識名
采石尙留磯一片
錦袍誰泛月三更
寒雲漠漠旌旗影
暮靄沈沈鼓角聲
百戰東南渾未已
英雄心似浪難平

烏江懷古

滿眼黃蘆瑟瑟秋
怒濤嗚咽向東流
霸王祠宇憑桅望
風利烏江未泊舟

天意何嘗速項亡
鴻門一誤又滎陽
當年惟惜重瞳子
不假杯羹屬漢王

愛吾廬稿

卷之五

醉園詩存

八

腸斷虞兮伏劔時
美人貞血作花枝
英雄到此無餘恨
呂雉深宮知未知

喜至金陵

蒼山萬點秣陵秋
虎踞龍蟠迓客舟
觀戰未曾憑楚軾
豪情先自看吳鉤
祖生擊楫臨江面
陶侃屯兵扼石頭
郤恨停帆剛日暮
白雲親舍尙凝眸

莫愁湖

盧家少婦最風流
曾住明湖水上頭
千古煙波餘一鑑
六朝風月有扁舟
空將殘蹟供多恨
強借芳名號莫愁
入望傷心淘戰血
飄

零荷芰正清秋

江東橋軍次辭別 家嚴赴姑孰戎幕

纔喜軍中鯉對揚便教入幕隔參商江東十里秦淮水不及牽裾
別恨長

夜泊牛渚懷古

袁宏此詠詩激徵引清吭邂逅將軍知青雲始騰上曠代謫仙人
登舟發遐想高詠謂余能斯人慨長往況我無俊才敢附昔賢兩
詩篇聊復吟疇能嗣遺響縱復嗣遺響亦復誰能賞惟念此江月
古今同漭漭臨眺危磯邊悠然罷蘭槳不信温太真燃犀驚魍魎
愛吾廬稿

卷之五 醉園詩存

九

乘月泛舟采石放歌

明月在天杯在手采石高高湧江口乘舟卻憶宮錦仙獨向寒濤
酌清酒狂呼太白浮大白試與百篇傾一斗昔有高樓山上頭公
之所棲垂不朽有時大風招黃鶴或者浮雲弔蒼狗取友奚論古
與今任城賀監宣城守前身皓魄一輪月對影三人亦良友一朝
遊戲仙人鄉瞬息千年復何有我來憑弔祠宇圯公之英靈尙存
否公兮公兮聽我歌我歌響落千年後歌餘長嘯還刺船不敢騎
鯨逐公走

謁太白墓

騷壇橫絕九州間
太白仙才不可攀
生爲汾陽回白眼
死依謝朓
葬青山
樓頭搥鶴空
悲壯江上騎鯨
自往還
千載高風餘
馬鬣竭
來憑弔動愁顏

旅魄艱難賸夜郎
無端流落又江鄉
良朋遠恨吞聲別
天子曾容
倚醉狂魑魅
人情皆欲殺
蜉蝣身世劇堪傷
一抔空引千秋淚
莫問吟詩舊草堂

姑孰軍中

姑孰由來形勢雄
昔賢嘗此鎮江東
至今白紵名宣武
依舊青山
屬謝公
星換千年光照壘
月圓萬古影隨弓
邨生入幕知余似
會愛吾廬稿
卷之五 醉園詩存
十
助將軍立戰功

莽莽川原戍鼓哀
連營疊帳陣雲堆
天門近處旛旂列
地肺遙臨
甲仗開
幾輩提戈誇猛積
半生草檄負雄才
秋高策馬龍山頂
羞共參軍落帽來

感事詠古四美人

息夫人

至竟無言語
三年向楚王
悲歡今昔異
恩怨淺深嘗
命縱桃花薄
身非柳絮狂
蛾眉歸不得
懊恨息輕亡

蔡文姬

一入穹廬久雙雛已長成黃泉哀故侶青塚愧餘生義重千金贖
身輕萬里征胡笳十八拍腸斷若爲情

樂昌公主

劈破團圓鏡恩情慟棄捐妍媸諳妾貌離合證君緣未肯同珠碎
還思共瓦全重逢非幸事難得越公憐

花藥夫人

百首宮詞續風流寄豔思萬人解犀甲一騎奪蛾眉像託張仙祀
魂留杜宇悲早知難保妾何事豎降旗

自姑孰戍移師石頭余督糧舟由水程發行至和尚港大風

愛吾廬稿

卷之五

醉園詩存

七

覆舟

旌旗指石頭萬騎怒騰蹕轉粟偶任余乘舟謝羈絡高吟出采石
恣橫大江槩陽侯驚我狂又欺我文弱鼓浪逐風伯朋黨助爲虐
奪此一芥舟如箕簸揚作帆重桅欲摧舵搖綆難縛江豚自騫拜
沙鷗共飄泊將覆未覆時咫尺岸難著人爭踏浪行我奮踰溝壘
顛趾罹毀傷滅頂免凶惡回頭駭汨沈咋舌坐僵愕不惜陸賈裝
淪入鴟夷橐卻怪宋玉辭

宋荔裳詩集

亦被乖龍攫挈伴蹲蘆中窮士

待呼諾

出營隨侍之江北

吾曹誤識一丁耳功名卻讓堯鼇起將軍腹負因負人摸索軍書
謬臧否身坐甲帳意氣豪口談兵法言辭俚真龍安得葉公好死
駿徒因郭隗市阮瞻三語工自媒程識一錢不能抵吾曹布衣遊
公卿賴此毛錐有餘技安能摧眉兼折腰卻伍噲等任驅使將軍
將軍爾勿驕鸞鳳原難棲棘枳大纛高牙公自專弱翰柔毫吾則
已拂衣一笑牽裾行翩然隨父涉江矣君不見終軍請纓亦未成
千古英風被青史

寒夜舟中不寐

霜凝潮落晚江清銀燭含煙爇短檠夜半重衾渾似鐵臥聽冰浪

愛吾廬稿

卷之五

醉園詩存

三

刺船聲

金陵舟次得內書

一絨錦字萬重愁棖觸歸心白下舟自笑封侯無覓處累他少婦
枉登樓

舟中對花

舟中苦岑寂手足頗相憐贈我江南春紅梅及水仙含葩始未放
顏色日以鮮皎如絕代姝對影雙娟娟我生少情累愛花恆獨偏
借以娛靜暇培護全其天就日置篷背避霜移檻邊養之以白石
潤之以清泉護之以朱幡坐之以瓊筵花亦解人意愈逞嬌姿妍

無枝不含笑有忿皆能蠲芬芳玉肌瑩冰雪瓊英鑄凌晨輒起視
既宵復流連恨不擁花睡忘形爾汝聯因之夢蝴蝶魂魄栩栩然
前詩已就餘興未闌復分賦二花各一絕

紅梅

癯仙何日醉流霞一笑紅窗豔影斜到底冰心耐霜雪未妨顏色
似桃花

水仙

勺水爲池偶託身淩波羅襪不生塵分明翠帶留仙住何必荒唐

夢洛神

愛吾盧稿

卷之五 醉園詩存

三

迎春

春來何處所迎爾徧天涯青雀江干舫黃鸝陌上騅文姬歸塞日
倩女返魂時省識東風面還家恨獨遲

尋春

尋春尋欲徧何處最銷魂試馬花間路聽鷓鴣柳畔邨綠陰嗟杜牧
芳樹慨桓温別有情難遣桃花映舊門

留春

東君且少住莫便意闌珊淑景傷遲暮芳叢惜早殘棠蠲新念易
花返故枝難休似天涯客無聊斂遂彈

送春

再三留不住只得送春行
驪唱將歸曲鶯嗁欲別聲
梁園詞客罷越國美人傾
好待重來日青旗郭外迎

雨夜

春江微雨夜瀟瀟
荷葉洲邊駐畫橈
幽夢驚回易惆悵
再遲一刻是花朝

舟中見新燕

拂水驚看燕翦斜
烏衣相見各天涯
呢喃自傍輕舟語
飄泊憑增遠道嗟
故壘絲縈何處社
新妝釵鬪阿誰家
江湖莫共年年老
上

愛吾廬稿

卷之五

醉園詩存

古

苑林深有杏花

新柳

眉黛臨風展未勻
舊條無恙宛然新
似矜濯濯姿猶昔
故作依依態向人
舞鬪纖腰纒逞媚
妝窺半面已含顰
銷魂莫使樓頭見
少婦愁多易感春

避風女兒港

兩月驚濤駭浪中
江湖艱險勝蠶叢
人非脈望難生羽
舟似爰居慣避風
龍性馴來蟠髮帖
鶯聲好處聽朦朧
茫茫行路悲何益
家計窮於旅境窮

阻風姑塘五日 家君覓小舟先發嗣是風浪大作次日夜
間尤甚

兩日風濤聒耳鳴飄搖巨艦撼難平不知一葦扁舟發今夕懸懸
隔幾程

舟次卽景

誰家庭院劇繁華素色高高一樹遮十丈瓊林萬枝雪遙看不辨
是何花

寒食青山道中

十里青山繞未窮禁煙時節雨濛濛迷離最是桃花影紅入人家

愛吾廬稿

卷之五

醉園詩存

五

破屋中

雨後望廬山

蒼翠層巒滴未消銀虵亂噴九重霄若非三日清明雨那得平添

瀑萬條

清明泊舟星子縣

二千里路行將盡廿四番風候已遲今早清明昨寒食星江煙雨

劇迷離

醉園詩存卷六

宜興蔣夢齡棠氏著

蝴蝶三十首

小小繁華色界中，翩然羽化便隨風。
生成香國逍遙魄，喚作情場智慧蟲。
影拂枝頭驚杜宇，身輕花底活秦宮。
笑他一片迷離態，纔到西飛又向東。

小院春光路幾重，往來蹤迹浪於蜂。
五官異用鬚能嗅，二氣同含繭可容。
葉底有時還自並，花間無處不相逢。
誤他飛上丹青畫，紙醉金迷著色濃。

愛吾廬稿

卷之六 醉園詩存

一

花露偷噲拂玉缸，閒看沈醉舞雙雙。
雨餘短夢初離影，風定迴身故作腔。
常逐蓮香歸別院，或隨桃葉過春江。
有時飛傍鞦韆索，緩緩迎人向綠窗。

栩栩芳魂得意時，不同野馬與游絲。
慵兼弱態頻依草，喜逞狂蹤候上枝。
愛汝花房留鳳子，憐他燈市鬧蛾兒。
前生朽麥分明記，何事無知化有知。

上苑高樓自在飛，荒村小徑也依依。
但逢花處都能戀，不到香殘肯便歸。
撲去何心迎寶扇，繡成留樣在羅衣。
紅酣綠醉尋常態，莫認枝頭露未晞。

纔看曬粉意遽遽展翅胡然別曳裾始識迷香真有洞誰言載鬼
幻無車春情脈脈窺朱戶清夢寥寥隔綺疏莫倚風狂難管束也
憑淑氣暗吹噓
易逝春駒等隙駒
忽忙誰似玉腰奴
知生未必會知死
集苑何嘗
更集枯滿路泥香縈馬足隔簾花氣嗅蝦鬚
閒翻桂海蟲魚志鬼
迹而今定有無

裙幅無端化鬱棲
偏教性裏帶癡迷
前身根蒂留烏足
閱世芳香
如麝臍識得生初原是幻
由來物論本難齊
好將輾翅臨風展
莫共楊花踏作泥

愛吾廬稿

卷之六 醉園詩存

二

弄影娉婷鬪玉釵
也曾繡上踏青鞵
身依病葉香猶抱
魄醉芳叢
死便埋止向宮人真有幸
攜來仙侶或相諧
休矜逐隊看花去
春色重重徧六街

嫩蕊嬌花浪作媒
雌雄誰辨祝英臺
穿窗過或縈塵隙
上塚飛還
雜紙灰舞未闌時
偏婀娜影初孤
候小徘徊旁人不識
丁香眼還是鈞天帝座來

別枝花引等閒身
何日風塵了宿因
坐使古今成大夢
可能天地
有長春綰將綵縷
偏增豔飛去金錢
莫療貧最是韶光
留不住荒郊容易逐青燐

留得仙乎賴有裙媽紅姪紫閨紛紛身因力弱難禁雨翅爲飛低
少入雲泥隙晨封花百合芳蹤宵負月三分生成別樣風流格漫
自翩翩詔出羣

飛來綠草徧南園絕勝雙雙戲綵鴛徑裏蒼苔蹤誤引階前紅藥
影俱翻羣芳自領三千界密信頻探廿四番瞥爾低徊穿樹去落
花含意共無言

幾回悵望倚闌干日避炎蒸雨避寒隔院花飛紅作陣迴廊樹繞
白成團捉來易惹兒童劣佩去能留婦女歡願汝春華長努力莫
教香粉便銷殘

愛吾廬稿

卷之六

醉園詩存

三

淒迷那得此身閒長戀紅香綠蔭間自愛雙飛情縷縷誰憐五彩
色爛斑有時跳脫隨金彈終古癡肥賽玉環消受風光無限好怪
來飄蕩不知還

慾界真成一小天偎紅倚翠自盤旋窺園路熟驚花賊在笥衣重
幻葛仙過候韶華都是夢得時顏色且爭妍濃膏膩粉曾何味如
此句留劇可憐

邃徑深蹊不待招自來自去影飄飄偶同闕下朝雙鴛豈任樓頭
鎖二喬腹飽濃香真不負身耽豔福可能消怪他脈望徒餐字何
似花間樂意饒

翦紙休將幻影滑天然委蛻出芳郊柔絲或恐牽蛛網殘粉還愁
哺燕巢盧肇相逢曾欲詫魏收已去莫輕嘲荔枝梢上深深隱爲
避流鶯暗裏捎

合向花叢號老饕芳菲餐盡致偏豪鉛華並不關塗抹文采原非
借羽毛幾日光陰憐草草一生夢境歎勞勞何期折翅猶無賴津
唾纔沾趾欲高

香銷綠慘奈愁何枉是多情屬野蛾荒徑苔封蝸作國閒門塵滿
雀窺羅秋芳自信難爲主春夢誰知別有婆院宇淒涼禁不得無
邊好景一時過

愛吾廬稿

卷之六 醉園詩存

四

檐前鎮日鬧蜂衙奈爾東風迹已賒出竟何心依小草去猶過眼
闕空花荒涼金谷疑無路縹緲羅浮似有家回首繁華真不少可
堪一瞬幻蟲沙

流光彈指笑恩忙仙瑞年年豔太常帽影鞭絲同鬢髻花魂月魄
共荒唐秋來變化歸何許春去溫柔老此鄉不及金籠玄鳳小天
寒猶自解收香

紫斑金眼太分明輕薄當時見亦驚竊得幽香愁暮雨傳餘新粉
愛春晴莊周夢到原非想崔豹箋來或異名堪笑餐花徒引喙偏
如啞鳳不能鳴

暫入名園不受扇無端飛去任飄零橘從棲後還生蠹草到衰餘
祇化螢此日風前多落魄當年花裏共忘形銷除一種輕狂態錦
繡叢凋夢亦醒

何年魂魄化韓憑飄泊于今感亦增每想迎風身旖旎還憐宿露
態膏騰經冬蛻自先離葉入夏蟲難與語冰莫向園林深處望白
花飛後亂煙凝

曾逐花飛繞畫樓也隨人影上蘭舟身含金粉南朝豔色奪胭脂
北地愁是處亭臺空寂寞誰家庭院尙句留江邊幾度逢秋見黃
入崢嶸水畔洲

愛吾廬稿

卷之六

醉園詩存

五

一從蕙徑暖煙沈粉翅香鬚香莫尋密藥拋殘紅影亂繁枝繞盡
綠陰深記因挑菜迎芳野惜負探花到上林終古成雙還作對何
如淥水兩文禽

綠意紅情幾度酣一朝豔魄渺何堪園蔬葉盡都疑化庭樹花殘
不飽貪定向風中還縹緲來從村裏枉嬌憨遙知藤峽幽深處古
木丹青綵尙含

記得當時傍繡簾長眉窺畫影纖纖自經樹老悲黃落無復花深
夢黑甜榻罷滕王留粉本吟成韓偓入香奩含情欲向雲峰覓爲
問芳蹤底處潛

休矜粉黛恣偷銜莫倚凌風翅若帆
老死渾同花薄命化生小厯劫華嚴
雕蠹幾輩形能肖出蠖何年骨換凡
我愧才非謝蝴蝶吟成什一費鏹劓

春夕閨中閒暇內子拈舊題惜花春起
早愛月夜眠遲掬水月在手弄花香
滿衣作五律四首屬余同詠且曰君
素不窘於八又當以多許勝少許姑
指闌干爲式可乎余笑頷之既而吟
思劣甚至丙夜僅得二章因遂擱筆

惜花春起早

名花拋不得著意早盤桓爲惜春光
好頻驚夜色闌攬衣須亟起

愛吾廬稿

卷之六

醉園詩存

六

秉燭任先看巢燕棲還兩宮鶯轉尙
單夢回蝴蝶易睡足海棠難豔通江
毫冷温餘鄂被拌曉煙疑半院旭日
滯三竿珍重朱幡護商量錦幄漫巡
檐疑宿客待漏似朝官葉底風猶峭
枝頭露正溥童偏遲掃徑人已倦憑
欄鴛侶晨妝情簪紅出手寒

愛月夜眠遲

有花須有月月好自關心愛汝圓方
足憐余倦不禁晏眠忘起早小立到
更深蚪漏聲將盡蟾宮影未沈寸陰
同尺璧一刻值千金魄定來宵滅魔
憑此夕侵萬人先夢蝶五夜更停琴
何處開簾拜誰家倚檻吟素娥成獨
對紅友滯孤斟露重瑤階怯香銷繡
閣臨

遲遲飛玉鏡，緩緩就羅衾。臥後神遊暢，霓裳聽雅音。

五月詠海棠

家嚴自虔州購得貼梗海棠一小本，春間未能作花。至五月忽開一朵，豔而甚大，戲作小朱幡旌之，而題其上。

春來未得笑東風，一朵翻開五月中。天意晚榮花命婦，遲遲獨占狀頭紅。

新秋早起

曉來涼意趁新秋，旖旎晨光一院幽。露氣半濃煙半淡，綠藤花放野牽牛。

愛吾廬稿

卷之六 醉園詩存

七

牽牛花

形似金鈴口玉環，名同河鼓列星班。開於露白煙青際，色在雲藍水碧間。難狀最煩詞，客翰易蕩不上美人鬟。漫嫌日日兼榮悴，點綴秋光好是閒。

秋日述懷

顏子身屢空，樂道安琴書。宣尼亟稱賞，賢哉其庶乎。豈知顏子貧，視吾乃有餘。負郭耕薄田，簞瓢常不虛。陋巷縱湫隘，猶佳先人廬。吾今值喪亂，田舍成邱墟。隨父困宦遊，祿不承權輿。百里俟承乏，枳棘鸞棲無。多口重爲累，艱難旋磨驢。誰指魯困米，誰寬臯廡租。

目前計已蹙艱難况後圖顏子設居此憂樂當何如

父奉大僚檄于役之信州門無三尺僮謝客心悠悠易米與市薪
艱難羣季謀余身乏葛衣感夏辭羊裘三月不窺戶露跣如纍囚
雖苦思緒劣卻喜吟懷適吾輩固窮耳傲骨何能柔世無知我者
挾刺安所投恥更謁權貴承顏強低頭時有勸余投舊識某巨公者

詩書不療飢忍飢時復讀問子何爲者吾自適吾欲亦知性命窮
難必千鍾祿况敢涉豔想金屋顏如玉但念古英傑大半起窮辱
囊螢映雪儔乘犢負薪屬方其貧賤時學業早珍助所以際時會
經濟無局促感此勵余心日日把籤軸鯤鵬化有期鱗羽養豐足
愛吾廬稿

卷之六

醉園詩存

八

扶搖倘一搏聊醒俗人目縱復長賤貧無愧志純篤

案頭餘禿毫篋中少殘紙經月不作書業謝雕蟲技客有從門來
袖中出雙鯉云伊故人札遠來自京邸念某久廢學辭令欠豐美
欲答曹洪牋難免倩人恥書記君翩翩捉刀免君矣量此意難卻
腹誹口唯唯客去向婦謀安得中書市囊中無一錢乞鄰典殘珥
小人有大母古稀踰五年平生性慈儉佛母宗黨傳謂果享遐福
食報長綿綿夫婦壽齊眉兒孫賢比肩榮膺太母封禴翟班行聯
詎知虛名好侍奉乃歉然自遭大父喪阿爺苦顛連菽水違祿養
常累擔憂煎伯氏避寇難徙家滄海邊遣迎板輿去伯也歸重泉

大母傷慈懷日夕應淚漣迢遙聞音問舉家心膽懸悔昨順行志
不把衣牢牽靈諉與慈竹永祝春暉延

梁鴻亦有婦王霸亦有兒婦執婢媪役并白勉自支作苦日憔悴
嬋媛非舊姿因此幃房中怕憶新婚時兒乏就傳錢授經賴同枝
凌晨督之起入塾教毋遲晨餐力不具清水飲一卮誦讀苦無力
恆受夏楚施不念兒身痛但念兒腹飢亭午飯脫粟肉味安可知
抵暮急思食乃僅有粥糜今日餒焉過明日還如斯嗟余及壯年
生計疏自治既重父母累又益妻兒悲嗟嗟累父母安悲妻兒爲
最苦長夏飢最慘隆冬寒忍飢堪食粥禦寒難衣單庭前秋風發
愛吾廬稿

卷之六

醉園詩存

九

一夜摧心肝飢寒漸交迫殷憂卒歲難呼婦檢敝篋相對空愁歎
憶昔華筍盈狐貉兼綺紈今鮮新布衣敗絮揉成團我傷裘已敝
婦歎襦不完兒女少溫袴襖綻黃棉攤幽風陳授衣讀罷涕洟瀾

秋柳和漁洋韻

一番搖落一銷魂漫數金城與玉門笛裏風光含舊怨鏡中眉黛
漾殘痕翠樓紅袖凝妝地綠野青旗沽酒村回首三春無限景怕
裁縑素更重論

半嫋風前半鞞霜那堪秋水照橫塘玉鉤魂魄留芳塚金縷衣裳
蝕故箱賸有蠻腰愁白傳可無枚筆動梁王章臺灞岸青青減莫

惜花飛碎錦坊

昔曾彈汁染春衣路遠金門吉識非無那青衫成冷落還勞翠袖
盼依稀漢宮人老和愁錮吳苑臺荒惹恨飛一任烏嘯悲夜月者
般心事總相違

瘦影鬢影見尙憐垂條空自鎖寒煙歸鴉樓閣風如箭嘶馬關山
雨似綿濯濯王恭非少日依依張緒憶當年春來移傍龍池早莫
復橫陳大道邊

文房四詠

筆

愛吾廬稿

卷之六 醉園詩存

十

脫穎中山地蒙恬邂逅逢盡收毛氏族分列管城封才子生花豔
佳人染黛濃狀頭紅一點端賴御題供

研

厚重端方體由來尙此生鐵誰穿再鑄石自穫常耕焚避君苗席
封膺卽墨城還聞銘玉帶千古耀忠英

紙

本是虛心竹良工製作箋直更方策古默記史書全白簡烏臺秉
黃麻鳳閣宣吾曹文字業還望楮生傳

墨

守黑平生志名傳易水濱誰言卿是客常說爾磨人草以濡頭聖
文因人袖神何如環玉案稽首作龍賓

香奩四詠

鏡

第一妝臺鏡清光出性靈方圓同受影美醜總忘形
蓉藻唐宮麗菱花漢殿榮最憐溫聘納卻扇鑿娉婷

梳

好是牙梳樣拈來琢半彎蓬資新鬢改莠任亂絲
刪齒裏雲通峽鬢邊月隱山靈蛇盤髻就暫向寶奩閒

愛吾廬稿

卷之六

醉園詩存

十一

脂

不厭施朱赤調脂最有情并羞南國號山豔朔方名
怒靨休逢虎嬌脣好作櫻纖紅凝玉甲旖旎曉妝成

粉

解益人如玉花穠粉露溥斑能藏獺髓色獨吝鳩盤
號國休嫌污何郎未許搏風前蘭麝馥不特秀堪餐

醉園詩存卷七

宜興蔣萼跗棠氏著

聞官軍收復吾邑

故國忽收周處邑捷書初到灌嬰城未拋骨肉歡顏共已死親朋
慘念繁風鶴回頭踰五載霜雞入耳正三更傷心大父含憂歿祭
告他鄉哭失聲

未必河山景不殊滄桑事事總堪虞人憐天寶遺民少地想長平
阮骨枯已分門庭封瓦礫還愁邱壘被樵蘇時清得遂歸田里不
作耕夫卽釣徒

愛吾廬稿

卷之七

醉園詩存

一

題袁雲石滄海歸舟圖

袁子家海濱世業推詞宗文成富波瀾蘇海韓潮雄弱冠希壯遊
足迹三州窮十年離海嶠負米常倥傯慈烏鳴啞啞返哺至性鍾
幡然作歸計阮籍肯囊空既乏舟車費心往身不從去歲觸炎暑
別我章門東云將乘浙潮浮海旋蹤長歌爲贈行一曲陳三終
萬里滄溟流想像懸孤篷

君是圖實採余舊歲贈行
詩意而作故追叙及之

君後溯吉瀾

我從白下戎音塵一以隔問訊胡由通意君當早歸釣鼈隨任公
何期請纓返君尙羈旅同晨夕互相訪話舊情彌融贈我鴻寶篇
吐氣如長虹序我蛙黽吟文心翔雕龍篆我金石文雪瓜留泥鴻

問君何時歸君言歸思濃瞻雲望親舍作計愁從峇滄海雖未經
景已橫心胸試視歸舟圖寫意丹青工尺幅慰望羊開卷煙濛濛
孤舟渺一粟巨浪漭萬重日耀扶桑赤星臥蓮花紅張騫泛天渚
宗慤乘長風登瀛十八士采藥三千童方之以斯圖神理俾雙瞳
三山與十洲氣象全牢籠君時命我題方患微疴慵擬漸蓄精銳
再奮偏師攻誰知閱兩日庭命歸吳中家山掃兵疹大劫完沙蟲
邱壟與田廬缺陷需彌縫朝謀夕輒發自笑何恩恩努力畢此債
意壞非朦朧枯腸亂搜索禿毫快橫縱君看應大噱笑我心如蓬
一事差傲君斫鱠先吳淞

愛吾廬稿

卷之七

醉園詩存

二

途次喜聞官軍收復金陵

六代繁華委逝川石頭金鼓久喧闐龍驤舟奪長江險虎踞城巖
半壁堅鑿隧潛轟雷出地揮戈酣挽日回天十年百戰灰心後此
際纔聞捷報傳

軍容茶火犯炎曦羽扇麾兵汗雨滋六月攻車師律幻三更拔幟
敵情疑射狼力滿彎弧候得虎功成入穴時比似平淮當雪夜嚴
寒溽暑各忘疲

南圻北拱壯聲靈小醜逋逃十載經築觀鯨鯢煩顯戮憑城狐兔
敢潛形江關自動蘭成賦山水長留杜預銘惟願銀河洗兵甲烽

銷鏡澈到滄溟

江左囊韃迎上相 朝中履舄動千官 紅旗捷奏 君王慶 丹

詔恩臚將士歡 九廟威靈元惡殄 兩宮慈聖習從寬 未平遺

孽還防熾當道謀猷務早殫

偶成

余自六月八日發舟南浦一路客况殊惡吟興索然轉眼

新秋已半前途尙遙感事書懷偶成一絕

自夏徂秋節序移逆風關樞誤征期無聊卻負江山景寂寞奚囊

一卷詩

愛吾廬稿

卷之七 醉園詩存

三

過金陵

纔倦從戎辭白下有收白下又重經浮生莫惜功名左看盡鍾山

一帶青

黃天蕩

一斥黃天蕩茫茫滾滾怒流英雄與紅粉遺恨此千秋

金山感舊

昔上金山頂風光似畫圖岫蟠虛地迥塔聳大江孤樓閣層層幻
岡巒面面殊丹梯登岵嶮碧嶂步縈紆帆影南徐繞鐘聲北固踰
人真依玉鑑仙不羨蓬壺攀話僧寮憩呈詩佛座趨蘇髯留帶並

陸羽品泉俱一別星霜隔重來日月徂琳宮銷劫火瑤島莽寒蕪
滿眼虛陳蹟停蹤悵故吾營屯京口戍舟過石頭佇郭璞墳何有
韓王陣已無蒜山煙滅沒瓜步雨模糊海近潮初湧天空雁自呼
妙高臺不見吟罷獨長吁

登木末亭

滿眼風塵雙短策側身天地一空亭山如走馬江干勒人似飛鴻
木末停鐵甕澹含殘雨白海門濃入暮潮青孫劉劔石休憑弔古
寺荒涼劫火經

焦山

愛吾廬稿

卷之七 醉園詩存

四

不見焦先宅還登佳處亭江橫匹練白山旋一螺青鴻雁風翻字
魚龍水聽經禪關如可借渾欲息勞形

凌晨自三江營之泰興途中雜句

泛盡江湖近海濱恩忙誰似客中身乍醒鷗夢煙波裏又騁單車
逐軟塵

道旁瞥見眼波斜紅袖招人手點茶清露未晞人正渴豆花棚下
小停車

車輪輾輾走如雷盡日黃沙眼倦開是處秋光偏旖旎蓼花紅過
野塘來

風景今年迥不同，隔江烽燧已銷紅。
道旁漸覺流民少，知爲時清黍稷豐。

至泰興哭先伯父靈

入門長慟展靈幃，咫尺音容想像非。
離亂中年心力耗，飄零卒世

命途違七旬白髮親先迓，半月黃壚客早歸。
伯父遣迎大母於江右，比慈幃莅止，伯父

已歿十日矣。此日他鄉羈旅，魂兮應向故山飛。

生前祚薄慨衰門，垂死猶聞盼抱孫。
謝氏蘭摧餘舊恨，公已舉五孫，亂時天

折竟盡。田家荆茂黯離魂。
公與吾父敦友于易簣時，歎曰：余不首邱，得見余季矣。悠悠蒼天，曷其有極。

未遂家山願，助殯還叨地主恩。
賸與嚴敦書未寄，開函一讀一聲吞。

愛吾廬稿 卷之七 醉園詩存

五

吞

中秋旅邸玩月

破空飛出玉輪盈，不許浮雲滓太清。
萬古何人百年對，三秋今夜

十分明。瑤林音滯江湖晚，金粟光含世界晴。
安得通天仙杖跨，廣

寒深處攝衣行。

河山雨洗靜無塵，萬里光涵一鏡輪。
龕赭濤聲齊魄力，蔚藍天色

倍精神。銜杯異地丁年客，弄笛誰家午夜人。
欲向嫦娥搔首問，不

知何處有前身。

隨從兄承熙送先伯父柩旋里

嗚咽論歸程江流亦變聲全家猶北滯孤櫬獨南行亂後鄉心怯
悲來客感盈靈兮魂魄在知慰首邱情

南入常州境內

一入江南境滄桑感剝那蒼髯遺老盡白骨棄屍多鼠雀空村餓
豺狼大道過萑苻紛盜警行路奈愁何

鄉人有訴亂中事者口占答之

由來大好說江南此日江南太不堪白晝人煙墟里沒黃昏鬼火
道途參一阮定積屍千百十室難留口二三舊事關心知約略遺
民休更盡情談

愛吾廬稿

卷之七 醉園詩存

六

高陞營厝畢泛舟入城

一舟甫達高陞鎮兵驕盜黠愁孤櫬咫尺先塋路未通且卜牛眠
此安殞身輕探宅赴城中舟出西溪折向東熟路重經心恍惚舊
遊還歷景朦朧漸看近郭多殘壘白骨紛紛亂流水一晌神癡似
木雞樊川水榭舟停止宋人歸態笑芒芒城市造穿瓦礫場但覺
居民還寂寞豈知戍卒亦猖狂城南城北愁相續紫霞橋畔還征
脚齊雲未燼寇巢黃賊踞城時就紫霞西萬方伯第僭改偽府門
闌刻石蟠龍鳳瓦用黃琉璃屏牆皆塗黃色
恨尙未紫霞北址有社祠臨溪祀漢陽羨令袁
玘祠前翼亭顏曰曲水以溪流自北關
盡毀入至亭前曲水空濼社亭綠折而東也到門心事轉狐疑路勢全更宅勢移四壁頽垣皆瀕洞

數椽賸屋亦傾欹，金穴爭鋤連礎掘。畫梁齊鋸作薪炊，房迷頓覺
蜂難認。巢失空嗟燕，自歸滄桑此景心。酸透國殤，況復哀親舊城。
郭人民滿眼，非鶴歸豈是千年後。

城東夜宿

到家翻似客，一宿僅孤舟。敗屋憑人損，荒田拙自求。凋零親串盡，
寂寞涕洟流。明日蘭陵道，迴帆復北遊。

郡城紀事

至郡城過某戚家，戚拉同訪友，至則門署蜀藩某氏眷宅。
戚前導入，直上畫樓一雉，姬方起對鏡，將理妝脂粉，未施

愛吾廬稿

卷之七

醉園詩存

七

致殊妖麗，亟詢諸戚，始知固狹邪里。姬卽友所狎者，而友
從兄實宦蜀，故假官闕名以禦諸不逞戚。適至友宅，不遇
疑其在，是特闖入以博一笑也。

訪友無端莽看花，看花太莽轉疑差。誰知闕閱朱門裏，春色偏藏
蘇小家。

應嫌惡客徑登樓，意自含瞋態自羞。夢醒醱醱寒尙怯，鏡匳纔啓
未梳頭。

見人故故傍妝臺，卻問行蹤何處來。說與嫣然開笑靨，道儂也乍
渡江回。

銀屏珠箔豔生光
亂後還成錦繡場
畢竟構欄風景好
不同城市易荒涼

北渡

風緊一帆飛
中流曉色微
江從東望關山自北來
稀此日仍爲客
何年卻重歸
回頭傷故國
征淚滿袞衣

弔錢塘烈女秦鳳簫卽次降壇自述原韻

烈女於庚申二月殉粵寇難人無知者越明年郡人扶鸞於金鳳閣烈女降壇作詩十四首自述並有駢體序文一篇歲在甲子孟冬余於仙女廟遇錢塘曹子淵言之惜其

愛吾廬稿

卷之七 醉園詩存

八

強半遺忘成誦者
僅得五首因次韻以弔而并系原作於

後原序

吾乃武林女史秦鳳簫是也生長紅閨詎料紅顏薄命飄零白骨誰知白璧全貞想當年詠絮吟椒早

嫻姆教歎此日沈珠碎玉難向人言簫家住錢塘草橋門

內先子諱種福讀書不仕藉湖田三頃以自給早於庚戌

之秋謝世母氏陳年三十六歲生簫姊弟二人簫年十七

未字弟繩祖今年十六庚申二月中旬聞粵寇猖獗欲犯

會垣母命弟先往闕疆暫投舅氏官廨簫隨母氏於城陷

之日遣散僕婢投繯自縊嗟乎金戈鐵馬魂膽俱消血海

屍山手足無措料得短兵相接深巷殺人明知狂寇無良

覆巢破耶人誰不死願依嚴父於九原我若偷生忍棄慈

親於一旦最慘芳魂飄蕩草木無依渾如癡夢沈酣椿萱

何在底事藕絲難殺半絲碧草隄邊未忘筠管重揮依附

金蓮燭下游魂至此有小詩奉呈諸君子其憐我乎

抑畏我乎簫雖幽鬼斷不害人幸勿下逐客之令

簫聲淒斷鳳樓中恨繞錢塘東復東不是貞魂吟怨句誰知詠絮

謝家風

原韻 似醉還疑似夢中茫茫不辨路西
東傷心殘月疏星夜相逐青燐泣曉風

錦繡才華足擅場更將冰雪作肝腸但憐弱弟身飄蕩古誼殷勤

託涓陽

原韻 城市今成瓦礫場伏屍狼藉斷人
腸脂香粉豔歸何處多少芳魂葬夕陽

城中鐵騎任啾啾不礙青燐照影遊幾輩紅顏艱一死桃花無語

正含羞

原韻 月明如晝鬼啾啾膽小何堪共戲
遊記得生時閨閣裏見人雙頰早含羞

誰言生小意嬌癡一決剛腸殺藕絲從此秋墳傳鬼唱淒涼不數

鮑家詩

原韻 魂歸繡閣暗神癡羅帳塵封戶網
絲但見妝臺明鏡畔花箋還賸舊吟詩

香魂豔魄死猶生不待旌題已自榮爲想玉皇親註籍侍書天上

有芳名

原韻 自完貞操苦捐生依律應邀 帝錫
榮祇恐綠窗貧賤女 九重遙隔未知名

愛吾廬稿

卷之七 醉園詩存

九

旅邸詠雪

宵來大雪滿長空料得江干罷釣翁天上有花皆頃刻人間無樹
不朦朧鶴依紙帳形逾縞蠟暈銀燈色減紅祇合呼童沽美酒禦
寒沈醉向西風

弄影雲端墜幾重大千積素一時封低頭睡失青山色滿眼裝成
白屋容梁苑賦餘才獨擅洛陽卧後興偏慵正期遠泛西江棹惆
悵沈陰滯客蹤

暮宿揚州書感

十年遲我到揚州滿地繁華作廢邱只有二分明月色多情猶照

一孤舟

夜泊瓜州

星火瓜州岸停橈欲二更江心孤月上京口夜潮鳴不寐頻欹枕
無聊數計程明朝風色好應到石頭城

過燕子磯

煙靄杳冥冥磯頭日暮經潮來兩岸白山疊一城青已罷兵塵色
猶疑戰血腥孤舟何處宿望望更揚舳

除夕偕從父一和舟次蕪湖

纔到蕪湖臘便終過征不及歲恩恩到家定擬過正月上水偏嗟

愛吾廬稿

卷之七 醉園詩存

十

少順風林比籍咸渾未入舟如李郭自相同四年除夕驚心數不
是途中也客中

辛酉臨川道中壬戌會昌官解
癸亥江北今甲子蕪湖皆道中

望九華

信是名山一巨觀蓮花齊湧碧雲端擬心我欲求真宰鏿置壺中

縮小看

黃石磯

昔曾攜幼弟拾石此磯邊今日回頭憶星霜十五年

歲辛亥隨父
赴官經此戲

攜二弟弋香向磯邊檢拾小
花石時余年十七弟甫八齡

守風馬當戲作詩投江神

滕閣當年感宴開，風帆曾助子安才。吾人亦解登高賦，相送何妨再一回。

戲代江神自答

閣毀滕王宴不開，卽今誰惜子安才。憑君解作登高賦，相送徒勞再一回。

題小孤石壁三絕句

莫道小孤小，還能小眾山。試看峰頂上一覽眾山環。
莫道小孤孤，孤臨江瞰蠡湖煙。鬢翠相並知有大孤無。
峭壁天梯聳靈根，地窟蟠長江八千里。只此一奇觀。

愛吾廬稿

卷之七

醉園詩存

七

泊小孤北岸遇暴風雪五晝夜長歌述之

風自正月十三夜起至十八日始略

平沿江巨艦漂沒甚多斷桅折柁者尤衆雖長年舟師亦謂罕遇云

鷓鴣盡日嘯不休，小孤山下行人愁。立春三日驟炎熱，短衣露頂祛重裘。晚來玉女犯天笑，電光微閃雲油油。早知必有暴風發，鬱極必宜理自由。荒江無臺苦難避，叮嗚舟師牢繫舟。黃昏萬籟正虛寂，北風突至鳴如牛。大塊噎噫氣何烈，一吹驟欲掀柁樓。四時交并氣候怪，尤絕一霎雷霆兩雪雜。沓相虔劉小孤合，拔空際浮長江。江水齊倒流，濁浪打篷背。頽岸崩船頭，船如其工觸。不周奔騰踊躍盡力投，頻疑掣斷鐵索柔。我直不知水在船底，船水底但

覺上下四面一派聲颺颺推蓬一望肝膽盡摧裂黃泉滿眼何悠悠
悠千回萬轉盼得曙光曉早見兩鬢白髮星星抽更畏冷氣刮骨
道縮項蹲坐如獼猴有時強攀桅足望風色刺手冰柱攢戈矛蒼
鷹白鷹向風盤不動跼跼墮水成浮鷗我心畏夜日苦短晚來雪
花風塊兀自團成毬一日不得息兩日不肯收三日四日相效尤
五日五夜食不下咽眠睜眸風再不休必悖死性命呼吸安能留
更有奇事能料不風平舟淺膠沙洲十舟并力不能一舟舉如扛
九鼎移山邱作詩一笑今無憂

望彭澤

愛吾廬稿

卷之七

醉園詩存

七

半枕荒江半枕山一城斗大景蕭閒千秋不是淵明幸安得流傳
諷詠間

戲詠鞋山時值山四面湖水乾涸

山卽大孤以形似故名鞋山俗訛傳爲大姑墜鞋所

化

萬頃湖光漾玉盤大姑鞋墜箇中安如何水落弓趺起忽似移來
地上看

舟至南昌卽景口號

江光山色淨無埃積雪空濛影未開妝點新春作殘臘教人權認
隔年回

喜達寓庭卽事謠

盼罷舟停檢罷裝肩輿織路到恩忙小僮莫怪敲門急遠客新回

自故鄉

入門骨肉喜爭迎纔釋懸懸萬種情余離寓半載餘不得音耗繫念可知怪道兒曹

看未見隔窗猶聽讀書聲

見說虔江泛棹遲恰前三日是行期家嚴奉檄督運軍火十艘之嘉應州助官軍合圍於初八

日登舟風阻至十八日始行何堪客裏思親久到得門庭路又歧

旅况艱難已飽經話來蹤跡感浮萍可知半載還鄉客只在家山

一日停

愛吾廬稿

卷之七 醉園詩存

十三

情話依依小閣幽妝臺初傍意網繆卿家家事休頻問說著先防

要淚流外家一門死難

滿室琴書檢點安庭軒隨意足盤桓一花一木關情甚負手徘徊

子細看

